

明善堂初集

丁亥桂站



海公校書教正

生楊志英敬呈

輝烟不廢
新經亦石
石亦係
款跡
令人
海隅
月影
一

篇相字
作鷗
豎

民望
五
李
吳
行
升



明善堂初集序

國人不言古詩者久矣，溯厥所由，殆謂古詩爲雕蟲小技，無補於事，每見座有詩集，或人之譚古詩者，必望望焉去之，毋怪詩之不振也。其能詩者，又以爲既非時尙，毋寧自悶，間有所作，置於篋笥，不以示人，而人亦不欲觀也。從來有國，不廢詩歌，國人既不習吾國風雅遺音，每遇抒情達志，不得已乃仿西歐格調，雖其中亦不無可觀，惜乎一章纔就，便欲舉吾國千百年來固有詩集，盡付祖龍一炬，何其謬哉。迨寇氛煽熾，國府西遷，鴻儒碩彥，每當擊楫之餘，輒效少陵放翁，以篇章寫其愛國深情，報刊所載，展轉流傳，終以鼓舞群倫，獲致勝利，而風雅以焉不絕。友人靈山魯駟楊君，早歲卒業中山大學，夙耽詩古文詞，造詣特深，數年來雖歷任政教顯職，而吟詠不輟，有明善堂詩文稿二卷，民國三十四年冬，余獲觀之，文不多，而詩特富，莫不

雋逸清新，寄情冲遠，處今之世，學深而道古者，楊君有焉。今夏友朋羣慫惠楊君付印，楊君索序於余，余喜風雅之將興也，因不揣淺陋，爲綴數言，以弁其首。


中華民國三十六年五月二十二日

興寧羅香林敬序

前記

蘆溝豐啓，抗戰軍興，西南半壁，且驚風鶴。明年，余自花縣挈眷奔父喪歸，自此兵戈阻途，難復作出門想，鄉居豐暇，荒山野水間，頗以嘯咏自娛。中間嘗爲邑父老勸迫，掌縣中校務且四載，藉教學以進修，讀書而補過，未始非古人獨善之意，於此期間，益獲與不律隄相嫻狎，間有應酬之作，非得已者。而戢影山林，養拙戎馬之際，日月易邁，頭髮且如此種種矣，所以存茲一段生活鱗爪者，殆畧於斯。方今倭虜納降，既盟城下，抗戰結束，余亦可爲茲作一截扎矣。顏之曰明善堂初集。項憶雲有言：「不爲無益之事，何以遣有涯之生？」聊復爾爾，其不能爲魏收之藏拙也，固非敢存名山之計也，覆醬嗜齏，匪遑顧已。

民國三十四年秋魯駟記



明善堂初集目次

吳校長題詞

羅委員序

前記

甲編

仁哉行

智哉行

遠征行

救學行

遊優十韻

春幕雜詩兩首

題贈嶽山第一屆青年節美術展覽會

辛巳生朝友石兄轉贈千秋君所作松鯉圖

集陶句題雷君好鳥枝頭圖

道學篇

甲申冬心臟病作盜醫之囑須戒酒茶

哭劉善卿先生兩首

輓林太翁錫三

嶽山縣立中學三十週年校慶感賦兩首

甲申三月十七夕在家

卽事書懷

風雨

弘農農業學校成立詩以頌之

乙酉春奉准辭職留別靈中諸生

和陳錫贈別

離職返家後作

三海蝴蝶花詞

三海杏花詞兩首

奉和陸野橋先生見贈次原韻三首

癸未端節酬友石

所畫花廳中材之姿一朝病斃可爲惋傷

贈別周生

靈中廿九週年校慶口號

靈山教育界同仁春日雅集

苦暑試爲拘體

近磨無妄啞其笑矣感亦隨之

壬午端節與同席諸君

村居消夏

秋興三首

三十五歲生朝感賦三首

甲申生朝有酬

庚辰九日酬與會諸子

壽劉伯母蒙太夫人

諱宜廷長者

酬譚大隊長甲申冬日韻

暑假會安示諸生

寇過

漫興

北行受阻折回寄電生

哭傑第

答嘉玉三首

沽馬

春暮

有憶

卽景

無題兩首

書憤兩首

閒步

午睡

傲古

七夕

己卯九日八首

屋後籬花兩首

慶祝勝利日口號兩首

近事兩題

題陳錫看竹寮近稿

甲申元旦兩首

癸未重九登文筆山四首

詠史

三海春什示諸生五首

暮春

初夏

題讀翠亭四首

卽景

蝴蝶花三首

九月十三夜小雨乍晴吐曜

九月十六大風雨竟夕

酬天球十三兄

乙酉三月初五夕

消夏雜詩三首

詠荔

病中吟兩首

卽景

題若天山水

高山坪緋桃三首

看諸生試所新設秋千架喜占兩絕

讀棠棣譚

有贈

漫成五首

中秋夕作兩首

廣花路中口號

無題兩首

奉和吳議長遊三海口占次原韻

奉和李專員三海遊作見寄次原韻四首

乙編

會縣長銘劍澄任二週年德政序

陳副司令國勳治匪功績序

施烟伯匡甫壽見五代榮慶序

甯蒲生新太翁哲嗣榮日新翁令孫乃添新婚序

孝族祖母梁孺人八秩開一並喜其季子新翁孫新婚序

鄧照南太翁次嗣業商新翁孫傳源新婚序

伯大母黃孺人墓表

堂伯父道南公墓表

中秋集宴小啓

靈山附城中等學校職教員春日三海雅集小啓

在靈中大同學夏日集宴小啓

讀萃亭碑記

靈中高中第二班紀念林碑記

修復本家德星堂記

靈中三海新校各堂碑記九首

靈中高中第二班畢業同學錄序

明善堂初集（甲編）

靈山楊志英魯駟

仁哉行

夫巍巍者山，仁焉所由樂。睥睨鄙吝兒，鋪錄必計較，計較亦何爲？何盡無拙巧。不如高高立，或者深深權，浩浩抱襟間，煦煦陽春起。易弱乎蟻蟻？易強乎虎豹？民胞而物與，孔墨所垂教，秉心厚塞淵，汪汪藹然貌。予才彼婦人，攘攘以胡鬧，江河悲日下，炎涼間膏礪，安得有醴酬，一灌起沉覺？

智哉行

夫清清水，智焉樂庶幾。剛中蓄貞固，綠竹淇瀋瀉。有容若大愚，小黠慢相欺，蟬蟬多不量，撼樹一何癡？嗟嗟故潛淵，騰漢大人期。消長唯乎道，出處唯乎時，肅肅靖共位，休休懷險夷。譽者其堪唾，毀者其可師。孤松撫自惜，樂命復奚疑？

遠征行

三十二年十月，欽廉選送壯丁三百，遠戍印度，過靈城，各界集隊歡送，牛酒以勞之。

風蕭蕭，爆卜卜，城頭號角動山谷，赴赴龍羅三百士，凌晨行李戒途肅。聞道遠征印度洋，一時送者盡空屋，太平綠酒犒相將，爲前陳詞普三祝：一曰珍重前途保健康；二曰早摧軸心奠定世界和平福；三曰不斬樓蘭誓不還，立功異域光國

族。君不聞古有班超其人乎？投筆萬里展鴻圖。男兒壯志厲風雲，安能皓首蓬蒿沒沒以無聞？去矣諸壯士，凱旋懸賞寄殷勤！

救旱行

三十二年六月領靈中諸生奔赴救旱工作爲此壯之

赤日無雲夏來近，陌阡龜裂天不雨，吁嗟白粒無望黃狗野生植物，時有掘食以塞飢者。珍，千家萬家愁焦土，亦有低畦及下種，苗看半稿中懷煥，彼蒼如醉呼罔聞，溝壑欲填將焉訴？忽傳省檄四急飛，救旱之命匍匐赴，方塘水淺魚亦哀，龍骨車且驗彼注，愚言一飽恤我躬，慢問荒年復何度？君不聞勝利愈近愈艱難？足食足兵期課裕，前方浴血身命將，後方流汗生產務，茂哉有力須出力，奮爾前驅毋它顧，暫息咕囁爲宣揚，暫擱筆墨同役辱，一分人事一分功，救得一田彌一賦，士飽馬肥氣騰騰，斬將奪旗風露布。

遣懷十韻

風雲莽方員，漢道表百六。萬鳥息庭柯，芳蘭媚幽谷，日月抱在懷，斯人樂窮獨。晨露摘園蔬，晚鵬吟翠竹，鬢髮懶不修，豈爲拘邊幅？絳帳瀉流風，豈徒資首藉？詩書枕畔橫，適意還披讀，好友時一來，機期共樽醪。彭澤歸田園，工部全癡鹿，飲啄足平生，焉庸季主卜？

春暮什詩 二首

元始自吐納，涇渭一宗歸。酒前花開落，禪中蟲是非；沖默弘至道，兵戈養晦機。隨意春芳歇，小溪綠正肥。

山村雨乍晴，鵲言出門去，信步阡陌間，青青生意飢，小蛙亂夕陽，燕燕綠波蕩，偷得一日閒，既佳且爲佳，戰時分憂拙，惆悵對野鷺。

題贈靈山第一屆青年節美術展覽會

三海六峯間，奇秀鬱磅礴，文明迥所鍾，謁謁藝林錯，青華蔚丹青，翹然立崖崿，雲烟腳底生，興酣搖信筆，一日接龍門，餘子盡糟粕，自惜及春華，小道何足著？誠懷時代命，所資無然讀，投筆赴前功，共登凌烟閣。

辛巳生朝友石兄轉贈千秋君所作松鯉圖爲壽余所覬也賦此謝之

佳繪如佳人，朕棲寧割愛？高義允千秋，越弔吾繡纈？舍之乃如遺，謾睥荷豪概，彈琴挑文君，翩然倩影在。彌珍跋篆字，仁言復何謫？賤子生不辰，當願如松菊？善善而從長，拳拳以服佩，何以報瓊瑤？銜戢均泰岱！

集陶句題雷君好鳥枝頭圖 二首

南窗翠悴物，卓然見高枝，鳥嘒歡新節，山川無改時，卽事多所欣，有酒斟酌之。天豈去此哉，縱心復何疑？

流目視西園，翩然起深情，灼灼葉中華，歸鳥趨林鳴，綠酒開芳醕，清歌散新聲，此事真復樂，淹留豈無成？

道學篇

御道袍，端道貌，儼然皁比脂施教。坐不搖痺行挺身，一舉一動範儀文；更凡語言須打稿，吞涎出口有寸分；睡不能寢

學生扣門報告擾；步不能安學生途遇點頭頻；饑餒十斗何爲憐？君子憂道不憂貧。面上強勉多，心內平安少，一日頭陀一日鐘，埋頭沒腦無昏曉，富貴於我如浮雲，故樹清高流俗表。吁嗟夫，道袍御兮道端貌，集子於憂嘔心肝！吁嗟夫，道貌端兮道袍御，赫赫乎四民之首於焉處！

甲申冬心臟病作遵醫之囑須戒酒茶

酒既不可飲，茶亦不可飲，祇云心臟病，一病乃多禁。補之晁補之句：愁來不醉，不醉奈愁何。醉，不醉奈愁何。奈愁何，相如消渴甚，百年與四十，吾生亦自審，胡爲惜金龜？榮名匪動恁。九月風葉多，二月露花鉤，誰能此把握？莞枯殊一枕。莊翟雖云達，養生則饒饒，莊子養生主，豈不貴有生？貧畏無流品。醫者之屬言，心版深銘毀。

哭劉善卿先生

甲申暮春 二首

大雅西臺啓，文翁化懸昭。經明弘素業，行飭曜清標。春暮珂江晦，花飛拂國遙。先生晚年但歷空齋劍，貽誅恨今朝。去歲行政會議席上，先生敦余詩，自以少作，謝不敢相示。

碩果儒林落，蒼蒼不慙遺！典型人已遠，道業孰同熙？羣季詩髦俊，一門肅友師，請芬千古誦，風雨杜鵑啼。

輓林太翁錫三

甲申夏

珠浦喬松鬱，白沙大老瞻。寒淵奔電厚，冲道契靈潛。河潤三廉渥，梓森百粵瞻。時長君翼公以中委兼領省參議會。泰山安復仰？夏雨應西施。

靈山縣立中學三十週年校慶感賦兩首

啓處名巖得，時遷三海巖新築。卅年多難身。弦歌終不輟，風雨雨無因。慘澹門牆拓，雍容道業親。黃槐和鐸發，樹樹振芳春。
江山蜚藻繪，三海有千秋。鳥語書聲越，黃牆翠幄稠。百年懷杞梓，前道啓驍驅。冠冕南洲屬，昭昭第一流。三海之勝，風稱靈山第一。

甲申三月十七夕在家

失眠起者三，行坐亦非堪。永夜蛩蟬噪，一燈室更闌。欲吟思弗屬，空咄悶難裁。煙捲支支盡，看兒睡正酣。

卽事書懷

淨几圖書潤，晴明滿翠樓。風杯商李杜，按劍讀春秋。謁謁芳風暖，嚶嚶鳥韻遒。市朝從變易，聊此足優游。

風雨

遼雜花縣時作

風雨一樽酒，天涯復至今。飄流懷岐路，搖落對西岑。書劍堪茲悴，兵戈正义深。秋蟲如有意，爲我助悲吟。

弘農農業學校成立詩以頌之

羣丘青赴毓堂春，一帶清江潤酒濱。風氣自開崇稼穡，門牆有假著椎輪。雷聲南畝耕初罷，冠冕西靈化日新。願得穰穡粒天下，所其毋逸茂莘莘。

乙酉春奉准辭職留別靈中諸生

三海春風二月初，鴻飛遽不及躊躇。千秋把酒開晴雨，四載因循讓毀譽。欲贈臨歧無別語，莫遺在遠幾行書。殷勤桃李方穠燦，刮目他年一起予。

余既去職陳甥協華時從余遊有詩贈別卽依原韻以答之

載將歲月紀山川，曾報稱師誤講筵。萬綠如浮龍壯讀，四年相處撫前緣。青藍勝出明朝譽，甥舅似誇有道傳。何復殷勤煩贈別，一廻循誦一悽然。

離職返家後作 兩首

露枝花正覆簷開，初罷弦歌引避回。猶憶一樓成小隱，足資三徑有新醅。今人不薄古人厚，詩債未完字債催。卻漸閑紅忙綠候，晚茲時鳥共徘徊。

四壁晴窗萬綠供，且相狎野更無凶。句成不覺花飛舞，座暖時欣客過從。有菜雞豚爲活計，禮：士夫不察雞豚。小人則囑於利耳。隨呼牛馬駭幽胸。莊子：呼我爲牛者，則應之爲牛。庭柯流盼多佳趣，載好禽音似解僮。

三海胡蝶花詞

一春三海屬經綸，獨御紅妝萬綠嬌。倩影翩翩儼似我，芳容栩栩娛由人。自施絳帳恬知命，誰憫青衫遜效顰。多謝東風好將息，玉臺開闢摘詞新。

三海杏花詞 兩首

嚴前紅杏一樹，今歲春後始開，盛誇嬌靨。或言花神之靈，以余固有識詞，實激而發，考其情實，蓋有待也。甲申初夏并記。

輕潭羣流驚熱中，唯時出處謝雷同。楚狂應笑栖栖者，吳下初非沒沒翁。待滿儒林留此日，不辭桃李逐春風。朝暉爭與夕霞媚。三海巖前一簇紅。

婆娑一樹始絳絳，獨掌文樞管道南。仙洞樓臺朝正訖，春燈照雨夜方酣。鳴禽離變呼紅友，飛鶴時過帶紫嵐。我欲沉吟心已醉，幾回巖口誤荒耽。

奉和陸野橋先生見贈次原韻 三首

黃鵠羣映正索索，桑梓聊將敬止心。未輕弦歌經浩劫，慷慨嗚庇緬清陰。是非三載會多少，恩怨一樽與淺深。白髮秋風憔悴甚，菜根咬盡復如今。

丘壑千秋契有情，瀟然道杖一鴉輕。白雲青嶂歡飛來，褐雀黃槐喜睥睨。草草壺飧供客薄，霏霏唾唾落風清。輞川詩畫允今古，更羨庾公老更成。

蒼蒼三海鬱繁柯，且寄盤桓一放歌。杜老何修象吏隱，劉郎此日復來過。獨傷碑碣煙硝剝，猶喜書聲鳥語和。搔首山河幾興廢，秋風樹樹夕陽多。

附 原 作

陸野橋未定稿

甲申秋，因事到靈，承魯駟校長邀遊三海，參觀新校，留餐索畫，情禮兼優，不能無感，因成三律，錄供一粲，并希斧而政之。

講壇新築氣森森，斬棘披荆具苦心。三海魚龍觀變化，六峯桃李佈清陰。培山端爲培才起，善政何如善教深。大計百年君早定，前無見古後無今。

浮生寧得幾閒情？老健還欣舉步輕。三海有門通學舍，六峯無樹不書聲。尋幽覽勝懷多暢，應盡酬詩債未清。感激主人真好客，留餐先報晚炊成。

登山空嘆手無柯，倚樹臨風發浩歌。鴻爪重經三海認，秋聲又向六峯過。時貴縣職事又急。禪房咫尺僧何去？古寺蕭條客已疎。五年前，因抗戰工作到韓，會承朱副司令暉日招飲於此。按疎字出韻，先生旅中無韻書以校，偶忽之耳。漫道六根清靜好，袈裟着起事還多。

癸未端節酬友石

荔枝初市度天中，猶憶年前復此同。萍水難知珍聚散，湘蕩重與醉迎逢。平生快意良無幾，今日豪情信不窮。正是北窗人醉後，亂蟬樹樹夕陽紅。

所畜花廳中材之姿一朝病斃可爲惋傷時癸未春三月也

黃金何處問高臺？多少蓬蒿駭骨哀！生死寧干人益損？馳驅空許爾馳驅。韓公弔爲憐同病，郭子慚應市不來。寂寞一朝花事盡，猶堪補組賤輪材。

靈中高中第三班周生廼熾考入中華文化學院國文專修科詩以贈別

武水東頭浩浩波，該校設在樂昌坪石長風北汛赴珠羅，兩年依倚青巖次，一日曠途喜恨多。應信文章華國業，尙弘匡濟起民疴。前途寄語須珍重，九月秋深別奈何！

靈中廿九週年校慶日口號

開靈艱難廿九年，回甦應趁小陽天。槐枝早綻黃金滿，夾竹猶敷紫錦鮮。三海容臺逾昔日，一時彩動集羣賢，遙參文筆（山名）同興起，氣象如今稱萬千。

靈中教育界同仁春日雅集

河山信美考槃堪，未使臨終浩歎三。杜老卽歌收衲北，蘭成何事賦江南。春醴共湛容言樂，花鳥應憐與興酣。有道風零歸足咏，仙仙起欲忘華簪。

苦暑試爲拘體

七月廿八熱甚張，華氏表應百度強。雄雞聲噪通林援，白狗舌垂走屋藏。便教襟袵汗汨汨，復恣鹽撻蠅飛揚。騰騰昏腦萬事廢，安得置身廣寒旁？

近膺無妄咥其笑矣感亦隨之

壬午九月

楚咻齊傳怒惟微，白髮秋風慘欲颺。且瞻名巖三樂共，不違家範四知依。誰教牛李爲恩怨？應悔雞蟲有是非。彭澤猶存松菊也，忽辭五斗賦來歸。

壬午端節與同席諸君

幾遭佳節又端陽，流想家家角黍香。我亦有懷漿水餅，東坡端午詩：水餅既懷鄉。君寧無意共蒲觴？山林猶託弦歌地，戎馬應愁醉夢鄉。得俟河清容錫覲，更分飛白奉仁揚。

村居消夏

環郭青螺喜聚新，蟬聲處處樹頭春。兵戈未悔寰中劫，樽酒猶能野外身。幾屐幾談田父過，一燈清夜古人親。偶來池畔成清興，漾漾蓮波隔紫鱗。

秋興 三首

秋來正復興瀟瑟，尺道丈甌比次高。釋子送窮終負負，柳郎塞妄也勞勞。縱橫兵馬乾坤半，駸驟玄黃麴糶消。漫問蒼生憔悴甚，夕陽風葉幾波濤？

圓疏晨美水晶盤，綠甌相資日兩餐。睡好宜同溫舊夢，文成快似得新歡。風涼天未思何極，霜入壘邊志尙丹。造爾幽居惟一事，讀書胸次五洲躋。

側身天地慨當慷，自古疇能足稻粱？雞鶩亂羣從撥攘，山林幽獨愧行藏。村前黃葉蝶顛舞，江上白蘋雁翽翔。每至秋來多少興？一樽風雨共商量。

三十五歲生朝感賦 三首

回頭三十四年非，一笑前塵壓尾揮。綠甌乾坤無芥蒂，青燈經史遶荆扉。命中磨蝎渾隨遇，身外雞蟲早見微。但副喁喁清晏望，茅茨沐髮待陽晞。

低首衡茅白髮催，古人以三十餘年爲一世餘人事遂飛灰。消磨歲月詩三百，陶鑄唐虞酒一杯。言捧檟書難寸草，退當戎馬蹇樛材。何須更作潛夫論，一壑一丘獨竭來。

今之視昨昨猶今，昨死今生強自籤。露滴竹梢凝翠袖，霜飛楓葉決丹襟。煩紆往事曾多少，慷慨清樽足淺深。應笑安仁

執綺薄，計輸投絨二毛侵。

甲申生朝有酬

卽將四十復何期？歲月欺人兩鬢絲。祇自狂奴仍故態，更無好況報相知。窮途濡滯妻兼病，百里艱難藥遠遺。內子時病在鄉，近就城隍歸也。聊與一樽酬此日，不須風雨怨明時。

庚辰九日酬與會諸子

記得聯翩射獵羅，（山名）翠微弭蓋放高歌。草茵松下金輝碎，菊盞風前玉唼沱。何識干戈廻宇軸，且開襟抱醉山河。只今三度重陽會，幾許滄桑感慨多。

壽劉伯母蒙太夫人代

冬來松柏遼堅貞，慶洽萱堂北海航。寶婺輝增彤管煒，芳徽風邁桂蘭榮。鴈償當日和龍願，正翹今朝采百聲。我欲攜衣官守限，遙茲祝嘏致微誠。

壽族兄宣廷長者

先生握筆懶殘人，拍手乾坤七十春。恬處達觀涵至道，截驅羈戾走和神。片言欲納存金戒，數字難安撥袂論。一老蹉然南國瑞，白圭不玷葆天真。

酬譚大隊長論甲申冬日韵

六峯高竦起雄心，赫赫干城寇莫侵。儘有楊修爲露布，信依武穆足驅金。西流腥穢嚴防急，冬日靈輿樂戲臨。四十萬人

同武服，朔風正厲北林深。

暑假會宴示諸生

北庭森竹曳依依，張謏新晴眩晚暉。悵目干戈何日戢？願從晨夕古人希。鄒陽賦酒心先醉，劉向傳經事已非。但使青藍終息壤，暫時遮莫惜分飛。

寇過

庚辰二月十三日

東風急雨一朝間，草木行人共慘顏。十日揚州翻史跡，幾重桑海問家山。鴛鴦如幸纖兒赦，雞犬猶驚舊主還。添得蘭成多少恨，江南賦罷淚潸潸。

漫興

蓮雞花縣時作

莽莽孤城草木深，秋風白日下前岑。忍言遠客強衣飯，幾見浮雲變古今。徧地烽烟終未熄，鄰家雞犬尚相惜。河陽可住暫須住，容我一杯事苦吟。

北行受阻折回寄電生

懶散村居一事無，樽前且莫訊榮枯。夕陽江上過秋雁，明月城頭急夜烏。廢念故人還寂寞，相憐異地共艱虞。會須斬取樓蘭日，蜀道從容即坦途。

哭傑弟

蘆溝橋下月空明，臣甫憂虞賦北征。我正登程行却阻，君先殉國噩傳驚。黃昏細雨黃沙站，猶記送別黃沙車。白日浮雲白站時之情景。

下城。杜詩：憶弟看流盡長江多少血，應教滾滾恨難平。
雲白日眠。

答嘉玉次原韻

同聲絲髮漸成絲，四十之年且及之。不必傷窮屢楚什，祇消飲酒讀陶詩。襟懷夙昔曾相共，意氣平生有所期。忽復幾何春泊夏，蟬聲欣會遶高枝。

再答嘉玉

花飛東閣鳥烏絲，青鳥殷勤爲報之。每喜開城如促席，卻慚叉手趣酬詩。兵戈卽戢還清世，胸臆將舒赴夙期。且問鳳凰山下況，鳳凰曾穩鳳凰枝？

三答嘉玉

萬理窮愁甚亂絲，茫茫吾道竟何之？萬方一慨歸長缺，永日孤吟遣小詩。難復照臨湖海概，尙相題勉廟堂期。可憐飛動平生意，欲翮如今息故枝。

附原作 三首

久不得魯駟書代柬 乙酉三月

嘉玉

攬鏡心驚兩鬢絲，兵戈塞地欲何之？閒居應讀安仁賦，落魄曾吟杜牧詩。濁酒未堪銷歲月，玉壺終可共襟期。何當萬綠晴窗下，相對輕紅驛荔枝？

魯駟詩來次前韻再柬

嘉玉

有人直欲殺袁絲，何必惜生占問之。長愛花時傾綠酒，好裁寸楮索新詩。故山猿鶴應相憶，舊壑澄清未可期。風定一聲蟬唱晚，美他棲穩最高枝。

再疊前韵柬魯駟

嘉玉

舊日文章擅色絲，錦箋懶問鳳何之。難錮湖海粗豪氣，競續停雲險韻詩。千古才人矜晚節，十年心事憐歸期。幽居情思清於水，入夢江花綠幾枝？

林處長天木近惠一馬，纔兼旬之時，余將有遠行，不能與俱，遽以沽之販客，心有戚戚焉！

乙酉秋兩首

義深千里共，論語：與朋友共。緣淺狹句遺，或縱天涯去，長鳴有過期。

雲雨相翻急，蒼惶陌上嘶。杜詩：蒼惶已就長途往。應尤人寡潔，相去不相携。

春暮

芳草倚遲暮，落花銷宿醺。春風不將息，忽若還人行。

有憶

髮影吹秋風，靈犀翳恍惚。小樓夜未央，涼月浸羅襪。

卽景

雨過黃昏後，清風月一庭。閒看兒女戲，輕扇撲流螢。

無題
兩首

手乏忽絲藏，氣豪千萬擲。狂夫老更狂，天地一杯窄。
鳳凰腐鼠嚇，秋葉寒花飛。縱酒朱繡鞋，何處白髮威？

書憤
兩首

素書玉壺瑩，北風紫杜衡。三人成市虎，吾道更何行？
雞鳴風雨晦，黑白間青繩。踟躕夫何與，一杯道自弘。

閒步

閒步東郊外，一筇立晚暉。野花深淺處，胡蝶幾雙飛。

午睡

庭柯蟬響繁，牆外雞鳴午。一晌睡懨懨，綠陰侵半戶。

倣古

自君之出矣，夢路復難通。思君如秋葉，憔悴向西風。

七夕

與君一爲別，千里邈如何。安得似牛女，秋期猶渡河？

己卯九日 八首

陶公愛重九，千載望風流。黃菊還須惜，白衣一爲謀。

前度射羅（山名）會，今朝此地臨。更無風雨至，斯意與秋深。

兵戈尚紛橫，半壁餘南國。紅葉共斜陽，血懷藏漢賊。

登臨增眷慨，如此舊山河。雞犬渾無恙，胡蝗竟奈何。時敵機四出騷擾。

九日秋風高，爲歌漢武曲，如何守四方，慷慨一樽綠。

胡塵黯宇宙，聊復醉黃花。終信岳軍勝，時報長沙大捷，主特爲薛岳將軍。河山屬漢家。

九日一樽酒，風雲復至今。艱難同此會，天地更何心？

清興正無極，何知天地荒？一年須一醉，莫負菊花黃。

屋後籬花，秋來獨盛，入冬未歇，葉深綠，花淺藍帶頰色，藤

本植物也，惜不知其名，感物觸懷，寄與兩首。這籬花縣時作

豈敢憐霜菊？終慚駕雪梅。秋風屋角下，猶得傍籬開。

荒陌獨萎蕤，風霜故自春。愧無好顏色，報答惜化人。

慶祝勝利日口號 兩首

漢魏中央六合清，艱難八載爭更生。梅花初發櫻花落，絢爛神州觀太平。
四門穆穆誠承平，一片雍雍雅頌聲。酒禁自開飛彩烈，粵省酒禁，無形取銷。誰狂太上萬崢嶸。

近事兩題

卅四年五月

報載黑衣宰相墨索里尼，被處極刑，尸陳米蘭街頭，有婦人焉，過而復予七槍，洩其五子之憤云。
吼叫當年氣正揚，黑衣俄落緒衣裝。米蘭街上蓋巾帽，睡過尸前又幾槍。

與舊金山會議者，四十六國，研組國際機構，擬訂世界憲章，以奠定永久和平基石。

收拾乾坤制軸心，蝦夷空誑日將沉。舊金山會初開日，已報盟軍入柏林。

題陳甥協華看竹寮近稿

南軒暇日坐晴雲，一帙相披秀采紛。忽復悠然飛鶴過，清聲颯颯飈風熏。

甲申元日

兩首

滿庭煙雨暖風吹，先著紅茶第一枝。試把鶯黃屬鶯鵲，開年得意若干局？
春花春雨共綢繆，歲月催人易白頭。強說庭柯自怡盼，一樽椒酒送鄉愁。

癸未重九與友石履鳳練良諸君領靈山高中第三班學生登文

筆山

四首

未辜黃菊白衣臨，文筆山前一散襟。長嘯萬峯如獸鋌，浩然高會有同心。
秋風無限起楓阿，幾許人家泛綠波。誰識振衣千仞意，真成高蹈未蹉跎。
枯藤頑砌塔爲灰，沙所築。果秋顏，渺渺孤懷故若閒。遙指雲烟漫淡處，黑圖幾柱六峯山。
回頭雲塔數初程，紆轡層巒九折驚。人共日輪疲已甚，殘暉一抹懶山傾。

詠史

妄思陶伏齋橫來，瓦甌黃鐘亦可哀。一自明妃辭訣後，漢宮寂寂鎖青苔。

三海春什示諸生 五首

因勝巖巖名：上有寺，右隣三海。頭旦暮鐘，春風方自領雍容。森森幾棟黃深淺，漠漠風光秀實龐。
隱几周遭幾嶺青，大江一帶壯前坳。豁然綠湧書聲遠，簇簇春華醉欲冥。
書聲鳥語雜相喧，綠移風光滿一園。取次繁華桃李盛，舞雩樂道及吾門。
夜來一雨賦春山，賦野平鋪燕去還。忽徹澄懷禪人領，悠然因勝寺鐘閑。
蒼巖謁謫霧朝暉，初着楊花壓映肥。披卷竭來人樹裏，都教金縷惜芳菲。

暮春

花飛高閣客初還，鶯燕紛紛却未閒。何必傷春搔白髮，還須縱酒駐朱顏。

初夏

林巖迤邐萬山明，開寄南軒得此生。愛賞卻深縮初夏，六朝文：縮夏首之新賞，補春餘之墮歎。欣然時鳥弄新聲。

題讀翠亭

四首

亭爲高中第一班諸生所建，落成之日，勝概增華，勝情飛采，率爲四章，志當時之喜，免追適於異日耳。時民國三十二年十一月十二日也。

自開風氣足千秋，裴帶翩翩伴奕游。二海勝情鴻雪永，一亭風景歲華休。
讀翠亭邊引興長，書聲浮動日和暘。惜惜列樹成嘉蔭，漠漠朝嵐謁比庠。
悠然一望一徘徊，取次風華入抱來。兩腋翺松虬起似，亭亭暮靄夕陽開。
白雲青嶂泛空明，夾竹黃槐映翠城。我欲忘機此晨夕，盤桓誰與考槃庚？

卽景

一庭霜霧樹猶醒，牛乳瀾空月淡明。起坐挑燈心正亂，犬聲三兩夾蛙聲。

井旁胡蝶兩樹，花正爛繁，三海春色，賴有此耳，漫爲三絕句。甲申二月

三海強如尚有春，翩翩連理媚芳晨。青衫醉與紅綃舞，面首璇光覓得真。
曉粧未冷傍芊綿，胡蝶枝枝氣萬千。何處春風暖綠樹？幾回吟我綺疏前。
惻心不食漢何因？始信莊生亦解人。胡蝶有容標栩栩，倒啗紅杏索辜春。岩口有杏今春未開

附詞 昭君怨

兩首

誰遣春風吹徹？胡蝶兩枝橫絕。環翠綰紅，怪儂儂。舊地寺鐘何處？三兩聲來還住。微雨正霏霏，燕輕飛。爭似尋常春色？春到自標傾國。三海可無春？實多君。我欲問花無語，孤賞芳樽誰與？相對更相憐，獨翩翩。

九月十三夜小雨乍晴月華吐曜

瀟瀟一霎雨還晴，薄薄層雲漏月明。獨有小窗人未睡，燈花結盡亂雞聲。

九月十六大風雨竟夕

滿樓風雨一燈寒，迸與愁懷萬感端。明日雲開天自靜，只憐草木已無完。

酬天球十三兄

余與天球十三兄，別又數年矣。甲申秋，偶會靈城，乍見驚余太瘦生，慨然相數白髮復幾莖矣。承索書，作此以應。

當真骨相鶴同清，一夜秋風白髮生。休問三年來况味，輸渠恩怨共陰晴。

乙酉三月初五夕

秋吹難眠酒醒時，雞聲絮混大聲嘶。疏星幾點當窗靜，數起挑燈浪讀詩。

消夏雜詩 三首

百無聊賴欲昏時，却向溪頭數鴨兒。馴蕩綠波恰深淺，晚暉酣宴荔紅垂。微風竹簾爭清和，永晝無聊睡獨多。閒愛蟬聲時遠近，綠陰如夢入湘波。

朱李尋常爛正繁，蝴蝶無賴語相喧。如何懊惱如年日，可解南窗琥珀樽？

詠荔

離離萬首冒丹霞，枉渚連漪夕照斜。只自馬嵬人寂後，空餘風韻入翻家。

病中吟

甲申秋患心臟症頗劇初服國藥後就西醫兩首

秋來况味不堪嘗，白髮相欺二豎狂。一卷陶詩消未得，藥爐紅炭正傳香。
三年勞怨亦爲渠，終悔養生術已疏。別却酒樽親藥罐，九秋風雨病何如？

卽景

六峰山畔秋雲淡，三疊巖前夕照紅。遊人撲得金沙滿，幾樹黃槐落晚風。

題若天山水畫

河東溪勝過瀟水，摩詰村開瀟湘川。幽徑小亭山樹碧，自開丘壑寄悠然。

高山坪松林下屋旁緋桃一樹今冬先梅發既異且喜時靈中假

址於是 壬午三首

碧霞綯爛屋旁栽，獨冠庚春自在開。寧矯嬌羞從彼嫉，管教流水抱琴來。
紅粉嬌幃半袖寒，月明和酌幾杯看。瑤池豈誤人間塵？故遣芳華惜早歡。
武陵應訝問松林，未歇弦歌載好音。愧說芬芳培有道，衝寒早見勵貞襟。

看諸生試所新設秋千架洋洋乎各賭身輕冷然御也喜占兩絕

甲申二月

綠圍人笑展春風，新試秋千躍欲同。燕燕輕翻微雨後，一團照拂汎尤尤。
鐘殘獨樹幾峯青，廢有塵譚沸一庭。卻看秋千繩正動，較誰身手更輕靈。

讀菜根譚

深庭殘樹綠毵毵，一片浮青檻外酣。忽悟機緣伸抑在，冥心融與菜根譚。

有贈

依舊春風花滿城，小樓昨夜譜新鶯。儘心爭與琴心怨，一曲相思淚數行。

漫成

蓮雞花縣時作五首

險夷寧足繫悲愉？且住窮鄉息我軀。短褐木鞋人不識，閉門飲酒著潛夫。
綠野平林曲水迴，家家雞犬放籬開。何當種豆南山去？又報胡騷度嶺來。
泥濘鷗鷺晝如昏，即此深居謝俗喧。閒起挑燈摹杜句，陰晴不管獨關門。
悽惶流寓我何堪？置食之間浩歎三。珠海白雲應似舊，未須度信賦江南。
慘慘前川山木迴，鳩聲時喚出林來。南軒寂寂了無事，新夢鯉魚細雨杯。

中秋夕作 兩首

明月河山非故國，異鄉人事更涼秋。可憐今夕復何夕，獨對金波咏四愁。

山城草木動悲風，共此團圓幾處同？最是傷心後主句，不堪回首月明中。

廣花路中口號

淒淒風雨趙佗城，襤褸披竿上夜程。更去天涯復幾許？滄桑樽酒足平生。

無題

兩首

蟋蟀在堂奈若何？解嘲無計坐蹉跎。夢殘酒醒三更夜，難抑中區悔吝多。
不慚不知樂命天，何須一日鬥嬾妍。北窗寄傲靈臺落，靖節中和孟浩然。

孟子曰：吾善養吾浩然之氣。

奉和吳議長遊三海口占次原韵

道杖蹇然一徑幽，山林光動接名流。九天咳唾珠璣落，書向雲臺紀勝遊。

附原作

今晨遊三海巖口占一絕書贈志英校長兩政

卅二年七月六日

吳鼎新

巖通天洞徑通幽，爭道靈山第一流。望鶴送雲無限樂，勝情不厭百同遊。

奉和李專員三海遊作見寄次原韵

四首

風物應憐異巖更，山林喜復接聲聲。幾何面目新翻樣，笑問劉郎認不成？
雲嵐日夕謁離披，爲訊山靈遇也奇。潤跡何心應笑我，觀施絳帳下攻帷。

且寄儒林共委蛇，青藍他日可堪誇。書聲爭與鐘聲遠，催發黃槐樹樹花。
有約荔枝熟未來，曾相面約，今夏荔子一巖秋色亦佳哉。許留鴻爪奚囊滿，咳唾雲霄腹頓開。

附原作

靈山縣立中學遷址三海巖氣象一新河山增色余不勝今昔之

感因寄志英校長

三十一年秋

李雲鶴

三海巖中氣象更，鐘聲不到到書聲。他年黨國樞樞器，盡是山川錦繡成。
翠竹蒼松秀滿披，早知此地育英奇。河山有識當欣幸，夜聽書聲出絳帷。
深山大澤產龍蛇，握玉懷珠信足誇。一日聲名傳宇宙，滿門桃李盡飛花。
雲影風光四處來，葱葱鬱鬱氣佳哉。地靈人傑非虛語，我亦澄懷一剎開。

明善堂初集（乙編）

會縣長銘釗蒞任二周年德政序

夫清風載零鶴以相隨，甘棠蔽官舍而喜蔭，任延年少，著會稱之循聲；潘岳風流，譽河陽之花滿；鍾離在手，愉快蓬源，蓋不必三年而有成，早居盛美於課最，則會君銘釗學長之宰靈山也，有足述焉。然而彭澤輓五斗而謝鄉里兒，唐人以百里而爲畜生道，撥煩難任，踟躕何堪？故知縣令可爲而不可爲，非必志大官以卑小就者也。矧戰時之際，政令加繁，味既等乎雞肋，誰復耐茲冰蘖？才之難也，任亦難焉。而君德器純固，甚宇高遠，溫逾荆玉，利擬南金，別宏巨濟於襟期，一以服務爲目的，既牛刀之小試，遇錯節而彌綰，謝傳領丹陽者一年，陶公移風聲於千里，西靈實雨，政喜新硯，百粵考成，藉冠南路，寧不使人望塵而便服，捧轂以先歡者哉？爾乃官車甫下，達情僞於求觀，書面初宣，布嘉謀於興爭，張乖岸之愛民潔已，呂文穆之忍辱耐煩，蓬蓬朝氣，秩秩大猷，頌載道碑，榮施盟笠。君夫廣庠序之教，卜名勝之區，厦屋歡寒，應止慨於工部，弦歌弘響，佇覩化於文翁，人過三海，樹思百年，則縣中新贊，仰君提挈之功焉。冠山中右兩鄉，經界糾紛卅載，驟訴及肩，歷任益恭於絲治，方案孤指，一朝息訟以冰消，還排讓於干戈，貧賤早乎守望，則閭閻嘉祉，賴君仲裁之德焉。且夫徐澂隨時爲通介，崔鄭因地而寬嚴，求民瘼以數巡，謝衰矜而不喜，煦如春日，凜若秋霜，上官賢其材，黔首服其政，蓋自近十年來，駐任之久，享譽之隆，鈔有如君者也。然而棫夏之音，非魯鼓不能協；陽文之韻，惟秦鏡爲能描；臨澗交好祇懺修，劉尹溺思於元度，則各界買絲而相繡，小子奮藻以揄揚，敢曰舍我其誰，亦固當仁不讓。值蒞職之二周年，謹謳歌於冊牘衆，將傳循吏乎他日，用垂故實於今朝。

陳副司令國勳治匪功績序

夫道德不導政，齊禮不齊刑，恩溥縱囚，法酷滋怨，所以體太上之好生，聖人先教而後誅，不得已也。然而君子固窮，小人則濫，其至挺而走險，殺人越貨，不知廉恥為何物，陷刑而罔悔者，實迫處此，荏苒所與，亦難言哉。伯勞位靈山之西南，昆連合欽邊境，久爲土匪出沒之藪矣，小則弱徑，大則劫舍，行旅戒途，晨昏警戶，歷十數年來，曾不一寧雞犬，司民牧者，亦窮其勦撫之施矣，野火不盡，春風又生，濟策無方，何堪糜爛？矧夫抗戰之際，後方治安不鞏，將軍一髮而動全身，影響大局，關係匪輕，隱憂所在，當前中心之急務，莫先於治匪焉。第八區保安司令部勳公陳副司令奉檄而來也，志爲地方除害，稍宏十萬，洞中癥結，休休焉，好整以暇，初若無所施爲，不知者且方觖望於其徒靡精秣，亟未克觀膚功之奏，淺視之乎一向之所謂辦清鄉者如是耳。既而執訊獲醜，霜義煦仁，賊酋因前投效者，踵接以陳列。公則雍容帷幄，哀矜不喜，徵其誠，縱之歸，約功以贖罪，罔不率俾。於是持械反正而來者，優赦之，皆感泣；冥頑無悔者，則責匪親懸賞以緝之，莫有逸，玉石靡情，苞苴遠賄，寬猛相濟，不苟縱擒，一時大小股匪，以次蕩平焉。閭里以安，居行以樂，十數年之匪患，不半載而廓清，無遺類。人咸仰公之神，不知公之德之威格之也。孔子曰：「聽訟，吾猶人也，必也使無訟乎。」治匪之道，亦若是耳。彼之寤寤於辦清鄉者，亦既曰剿撫兼施矣，而效績蓋寡，事不愧乎？然而擇戰方數，寇恟難借，冬日可愛，晞沐徒碑，於其返轡之日，定知遮道以相攀者，何止伯勞一鄉之衆，公乃忽然舍之而去耶？

施姻伯匡甫壽見五代榮慶序

夫好善優於天下，樹德顯乎報施。而赫赫豐功，昭昭餘慶，鬱梧桐之蒼老，茁長孫枝，萱門閨之熙隆，祥開五葉，種發清華，當斯榮盛，稱之今往，罕矣其儔，而我匡甫施老姻伯者，以散仙之姿，躬曠代之美，暉光松竹，振鐸靈陽，近八十而擢舉之精神愈佳，來三千而登歌之興采紛烈，猗歟休哉，其何修而獲此耶？不知伯之前世，代有清德，早論朱穆之崇厚，兼賦江總之修心，以遂貽徵，宜嘉式穀。逮其先君子劍公，鷹揚鳳舉，既擢科名，庭前三槐，秀出濟美，伯即其長嗣也，幼露頭角，雛更清聲，而棣萼相輝，文武聯第，伯則毅然舉首，以武童而爲府試案元焉，時人無不聞而觀之，至今猶津津稱道也。爾乃芙蓉鑄就，出匣唯時，屬荏苒不增，自詭效功，慨然以地方治安爲己任，於是拜命而起辦團務，新爾初試，醜類全消，寇恂到而盜平，戴封來而蝗去，黔黎頌其德，層憲嘉其功，乃蒙賞給六品，而五品，而藍翎頂戴，祇領功牌，職階則由三降局紳，而中哨哨長，而右哨，而把總，而幫帶，而千總，方著旂以鴻漸，益舞劍於鸞鳴。民國改元，勳著借重，轉任靈山縣總局局長，旋爲靈山西部會辦，而三降局長以至三降鄉長，本初志以靖地方，歷數十年如一日，翹聲華於碑道，隆勳望乎當年，及今佔焦原而跟止，猶庇標幟於往威焉。夫使地無荆棘，人安菴席，夜戶不閉，亡兇杜絕，豈非仁者之所勇，爲善之最大耶？古有三不朽，伯之立德立功，且兼其二矣。至其夷垢至性，醇粹厚心，涵泳聖涯，照臨古道，敦孝友於移徙，肅風規以義方，紛難解之片言，濟施行乎盡力，河潤九里，春滿一門，人但見其上馬殺賊，以疑其爲獷狹者流，而不知其雍容儒雅，恂恂長者。厚德載福，作善降祥，則其克享遐齡，躬五代，黃花晚節，矜香色以彌鮮，白髮高堂，飴玄會而自樂，際此日之榮盛，啓稀世之休徵，夫豈偶然耶？是可賀已。

甯伯蒲生新太翁哲嗣日榮新翁令孫乃添新婚喜序

鳳凰山前，開遍黃槐之際，寧越堂上，雅奏宜室之章，芝蘭倚玉，華庭振采，迨其吉矣，鐘鼓樂之，則是甯伯蒲生新太翁，哲嗣日榮仁兄新翁，令孫乃添舉棣新婚之辰，甲申十月二十日也。其戚鄧傳雲前輩，先期而過余三海，以賀序相屬，曰：人倫造端於夫婦，婚禮必尚乎文明，而佳兒佳婦，璧合珠聯，胥功之家庭之教育。余之戚，晉樓世閱，諒識家聲，清德相承，代有賢者，即蒲生新太翁，畢業廣東公立法政專門學校預科後，以思晉其學級，將必取途仕進，是爲一己名祿謀耳，孰與舍去，轉爲國家致力於基層教育，不更安得乎？於是司鐸縣立一小者多年，蓋其素襟清尚如此者。長君日榮新翁，則先後畢業於黃埔陸軍軍官學校步科，廬山中央軍校特別訓練班，學劍功成，屬會國難，窮時適志，曾風雲叱咤於當年，初爲百人長，擢佐千夫，積功而膺中央訓練總監部少校軍訓教官之寵派，旋轉職梅某防城欽縣靈山等縣市，或社訓副總隊長兼兵役科長，或國民兵團少校團附，或軍事科長，人方榮其豹變，乃遽退而踵靈遊，今復潤屋矣，憑軾乾坤，豈毋骨肉復生之感乎？至其元孫乃添，則正隸子之門牆，化雨潛滋，欣欣挺秀，師弟所讀，毋煩贅介矣。去江總修心，燕山義訓，善人之必有後，令予以占克家，鯉庭詩禮，固自淑承於平昔矣。然而詩美麟趾，首重關雎，乃孫受室矣，燕爾新婚，和樂且耽，是可喜也，是可賀也，子正與教育之責者，寧嘿嘿而無一詞乎？余曰，唯唯，於是退而據其言以爲之序云。

壽族叔祖母梁孺人八秩開一井喜其季子新翁孫新婚序

壽序之興，蓋屬明季，風靡習尚，繼軌增華，夷考其義，殆猶胎序，因事致敬，相與爲辭，君子善頌，亦一道耳。然而交梨火棗，仙界浮詞，東海南山，人間陳語，將表德音，貽教方來，謙微而遺鉅傷於明，飭華而過實玷乎信，摛藻欽修，適量惟宜。己卯秋九月，族叔偉才之尊堂叔祖母梁孺人八秩開一壽辰，親友謀爲祝之者，句序於余，余不敢爲說詞，率爾質言以應之。顧以天涯久客，鄉情多閨，間從父老，聆族中賢懿長者之行，其稱孺人者，前清監生候補州同遼山叔祖之德配也，叔祖掌理管產，苦心墾劃，典營殖阜，黍稷倉積，至今春秋嘗祀賴之。其時叔祖常川伯市，以公滅私，家事悉委孺人操持，勵率以敬，參和爲仁，則美柔嘉，風徽聖善，叔祖釋懷內顧，駿惠宗公，孺人之助也。叔祖卽世，賢分知命，益用專勞，先衆手而作，後一家而息，寢興載懼，匪遑底事，以是能成其子而大其家。至其闢戚族，睦鄰里，河潤九里，春滿一門，可謂柳下惠有妻，能光其夫者矣。偉才叔卽其季子也，少年持重，善述父志，經理會產，管掃蒸嘗，鄉黨稱之，亦足多者。令子克家，早承荻訓，善人有後，信而可徵。夫戶樞不蠹，流水不腐，守樸貞固，天健自行，孺人以古稀之年，精神矍鑠，健步逾常，鄰母當筵，依然綠髻，蓋由平居之不自逸豫，宜膺康強之福，老當益壯，壽正無疆。今逢設悅華旦，適值季子偉才叔新翁，孫華應弟與季女士結褵良辰，桃宴開而紅葉欣題，萊衣舞而鳳笙并奏，儒人顧而樂之，陶然以進一觴，爲之祝曰：母氏聖善，彤管徽章，星輝寶婺，慶集華堂，含飴饒趾，俾爵鳳凰，碩人媿媿，繁祉穰穰，蟠桃膏晬，蘭桂揚芳，家邦之瑞，宗卹之光。

鄧照南太翁次嗣業商新翁孫傳源新婚喜序

夫積名教以耀風規，肅義方而彰倫懿。椿萱并祿老，蘭桂滿庭芳。龍竹密叢，鳳毛濟美，根之茂者其葉逢，膏之沃者其光晔，則知椒聊賁實，昌大門閭，非偶然也。吾邑附城之南，鎮室橋比，寧熒而外，鄧氏其著，尤以太翁照南公之家，稱於時。公履席豐厚，陶朱拓廣，鯉庭間對，燕翼殷勤，令子克家，享輝燁桂，象賢森立，領點汾陽。長君傳雲前輩，卒業廣東公立法政專門學校，民廿五，邑事蠅蠅，愜然拜百里之命，起濟時艱，義聲載道碑，良足多者。次君即業商新翁也，本縣鄉鎮長社訓幹部受訓期滿，亦出爲桑梓服務，殆所謂難兄難弟，庶幾壺篋雅奏，萊衣綢繆。而諸孫挺秀，纔降承歡，公則含飴擲果於其間，頤而樂之，夫又足徵福者備也，德著得也，陳太邱門第之鼎盛，正自日之東升，川之方至，而未有艾也。癸未冬十月，爲次君之元子傳源世兄與甯女士聯婚之期，梅萼催妝，其人如玉，珠璣聯輝，華堂飛喜，昔孔子爲伯魚申醴，以二南勗之，燕爾新婚，麟趾有祥，彌矜充閭之慶矣。公也老福婆娑，方將扶鳩以看次君之爲新翁學癡聖也，定當捋髯而笑，陶然與三千而浮一大白。

伯大母黃孺人墓表

孺人黃氏，前清候補州同伯大父興堂公原配也。江夏名媛，弘農淑人，嬌嬌柔嘉，芳徽定式，敬事姑嫜，勿違勿怠，相與妯娌，和樂且湛，中饋司餘，率躬園績，夙夜不逮，所其無逸，夫惟嬌嬌，實乃興門。有丈夫子三，長卽道南堂伯父也，秀出班行，軌心聖籍，擷香芹泮，文書兼擅，采肯之詠，允膺斯美。孺人家祖連父，書法代著，道南公派宗右軍，亦有聲於時，無忌甥舅，良無愧矣。孺人春秋六十有三，先伯大父而卒，瓊魂生芻，安寢夢於那悟山之陽，堪輿象之飛天大鶴。後四十年，其曾孫光昂諱吉倡修，庚辰暮春歲事，屬余爲之表。形管既施，元石斯隆，巍巍華表，鬱鬱佳城，靈鍾秀毓，鶴之冲天，蘋蘩霜露，俾爾戢穀熾而昌。

堂伯父道南公墓表

公諱洛淵，字道南，前清候補州同與堂公之長子也。恂恂惇謹，篤志力學，進庠後，益自勵。嘗出其餘緒，館課生徒，并以餘力，嫻習岐黃，兼擅日課。嘗宗王右軍，頗有鑒於時。達人知命，抱道自安，曾不芥蒂於順逆。平生脫略畦封，無貧富貴賤老幼，即之溫溫，訥然如坐春風。與先君子爲堂兄弟行，十日九迴過，親愛逾恒，天性之所然已。春秋八十，考終里第。子男五，女一。後十六年，其衆孫以原塋未安，遷遷於馬頭嶺之陽。銘曰：是惟我堂伯父道南公之佳城，既咸既寧，庶其嗣人以利，祚發休徵。

中秋集讌小啓

清舒天末，穆穆金波，白雲不飛，繁星掩綈，颯簾碎玉，莓院漣漪，雖霓裳曲罷，廣寒道難，庾亮於此，與復不淺也。同懷清賞，雅集西園，佩玉琤琤，頌賦咸戾，夫對酒當歌，人間何世？寧論蛤蜊盛衰，毋使嬌娥寂寞。

靈山附城中等學校教員春日三海雅集小啓

夫蘭吳氣求，萍踪緣契。嚶其鳴矣，高山流水以知音；道有同焉，春服舞雩而詠歎；輔仁所貴，觀善實資。宜趁良辰，共謀雅集，叙舊識而締新知，樂班荆而歡傾蓋。樽開三海，驅花鳥以寫文章；櫛闌一堂，載笑談而雜絲竹；韻事與勝地以相彰，佳話賴羣賢而遺播。凡其同情認離，喜然把臂入林。

在靈中大同學夏日集宴小啓

荔丹霞蔚，蟬流商越，清和景物，愛賞宜同。矧硯絲風致，萍水罕邊，班荆拾馬，彌與殷勤。我中大同學，偶聚斯土，

業守有限，室邇人遐，不乘時而圖良叙，何申積悃？謹爲倡首，集陳潔館，用暢歡於樽俎，愈彰契於形神。苦未南皮之遊，朱李寒水；蘇家豪概，玉顆三百；亦繼軌前賢，吾黨所餘事云。

靈中讀翠亭碑記

本校高中第一班諸生，將卒業，俛仰三載間，一旦黯然而別去，愈謀所以爲母校志其依戀之懷於弗諼者，咄嗟各科四百金以建斯亭，鴻雪所珍，增華風采，余既嘉之。詩曰：「燕燕于飛」，他日歸寧，彌足低徊於不置云。

附題額并聯

高中第一班諸生，所營紀念亭，既成，索名於余，余曰：亭之所在，一幅天然翠園也，供游者設之樂，吾人藏修其間，亦是爲啓發性靈之一助，即名之曰讀翠亭，不亦可乎？并爲一聯以貽之。聯曰：讀浮嵐翠風雲壯，翠擁山嵐日夕佳。

靈中高中第二班紀念林碑記

士君子著素剛中，揚華彪外，樞機其質，豫章其幹，垂文而自見，騁績以乘時，暢遂襟期，實實培植。故樹木樹人，昔賢所況，詩美梓材，弗爲溢已。本校高中第二班諸生，將卒業，疆茲荒曠，理以造林，緬焉鴻痕，前意深矣。春雨下鋤，而蔭而澍而溉，功不舍且暮之勤，以泊於仲夏，而葉而苗而秀者，欣欣然且尺餘高，或逾人之脗。而諸生去矣：十年之後，藹藹成林，既堪材用，偶歸而摩娑其間，炫於人前曰：此株某所植也，一種親切榮悅之情，益於懷，誇於色，有不能自己者。而樹猶如此，人可不思之勉之？寄彼殷勤，齊賢其庶。

修復本家德星堂記

民國廿八年秋，日軍在金沙登陸，據欽城。明春，竄擾靈山，防軍某師先却，於是長驅直進無人之境，至縣屬平山，虞深入，不再前焉。其折回也，分兩支，一支從原道陸屋而行，一支則循靈合公路下，先之日，軍武利，度其或趨那彭，亦不枉道而過我村也。詰朝，暴風雨，傳敵且抵郭洋，郭洋距伯勞十五里，我村三十里耳，一時風鶴，舉村騷然，提孩扶老，冒雨以亡，出前村，鎗聲且後至，敵乃臨境矣。家人尤狼狽，倉惶之間，僅以身免。敵越宿去，殺家百四十餘，雞犬盡殉，胸腿以棄，家家衣物污毀，盜劫復乘，無一倖者。吾家蒙禍特甚，房舍十七燬之，歷代積貯，蕩然餘燼，左鄰前樓，先君子讀書寫字處也，黃卷雲堆，先人遺墨手寶之所藏焉，物易導火，一付絳霞，抑尤惘已。焦牆壞瓦，腥穢熏蒸，又豈忍接於目而憫於鼻耶？時廿九年農曆二月十三日也。夫漁魚駭網，林鳥驚戈，痛定思痛，猶總總以慮默陪之或重至也，搶修數幢，暫供棲止而已。越三年始得鳩工庀材，復其舊觀焉。嗚呼，吾輩小子，眇眇墨蒙，豈天降之罰，孽所由召？而甘棠之猶存愛，桑梓隕於敬恭，其能將此圯廢而不之顧耶？夫惟棟宇重新，煥然復興之象乎。吾家自十六年繼王母卽世，次妣繼之，而長嫂，而三兄，而府君，而五弟婦，十年之間，迭遭凶閔，且復致茲寇火之爲災，搔首天地，人間何世？雖然，多難興邦，禍兮福倚，未始不以斯而激起也，惟各懷懷於先公勸學勉善守典承休之遺訓，載懼寢興，端共爾位，神之聽之，以介景福，是所願與諸兄弟子姪共勉焉。

靈中三海新校各堂碑記

九首

三友堂

初，募建新校之呼聲，順風而吹，冷然御鴻毛，驟如歷塊，不半載，而第一期工程之完成，迅如所期，愉塗之色，有泛同心，運會扶啓，靈秀斯敷，高中部既先得所矣。而將伯弗廢，寔且陷溺，竊自惴惴，何以竟其功？邑之人，夙不乏

輸財以興學者，而忍斯之不一加之授手乎？決非然爾。勞鄉長迺孚，校友紀君家淮，留君乃盛，義隆嗣響，合力以建此堂，迅雷挺現，是則接厲，落成之日，春花正好，春鳥嚶嚶，寤言求思，殷勤伐木之章，因名之曰三友堂云。并榜其楹曰：三餘務紛爛於業，友弟偕來樂及門。

自力堂

尋常一屋耳。陰陽相之矣，迺擬適理，迺規度，迺鳩工庀材，頭緒之繁，匪一蹴可幾。現在戰時物力艱難之際，而營此百年大業，談復何易？本校三海巖新校舍，經始三十一年夏，賴各方之贊助，劍及履及，既先觀成若干座，而距全部工程尙遠，絀於費。中途滯且礙，略思振其墮，余乃倡一入斗穀建校運動，初中廿七班諸生，首爲響應，捐額出望外，可自成一室，風起雲湧，羣情躍然以從，庶幾善與人同，義後我後？爲可慰也。三十二年冬，該班所營既成，余喜名之曰自力堂，示不忘諸生捐輸之熱忱，非假之外求也，并畧其端末如此。

競爽堂

本校初中廿九班諸生，响應斗穀建校運動，期必自成一室，議寢驟而復興，馬鈞蟻粒，各赴所能，奉富饒而整以繕，熱情奔與花春而競放，經始營之，不日成之，喜諸生之志有成，庶不讓廿七班專美於前也，題其額曰競爽堂。

遠樵堂

勞君肖白達洲堂昆仲，合建此堂，名曰遠樵，有所紀也。達洲君考選雲公，肖白君考樵琴公，兩公者，身屋交潤，吾人有後，承啓無忝。始本校募建三海巖新校舍，余遺其廬，達洲君曰：今人所謂公益者，多見假以濟私，惟君之來，忝其所命，敢不從？余即出捐冊以請，君慨然認課堂一間。復就肖白君。曰：如達弟。今茲同心合建，肖白君一任規度之

勞，彌彰急公之義，而以紀念各先公，則又足徵考思不墮，有慶未艾也。

三樂堂

鄧委員政香，陳秘書業有，勞先生迴心，合建斯堂，顏曰三樂，其意可念也。三君熱心教育，見義勇爲，咄嗟饌金，聿經厥成，人之喝矣，越其懷蔭，弦歌爰處，溫有造於莘莘，所不可忘。

德民堂

廖公諱重光，字德門，晚易德民，本校前身簡易師範學堂，公之所襄創也。哲嗣強才一才兩君，繼志善述，播義光前，今茲德民堂，即其昆仲捐建以紀先公。夫孝思不廢，永錫爾類，而廣廈渠渠，寒顏歡庇，一舉兼美，兩君之所爲足式焉。

鏡德堂

本校鏡德堂，蓋鏡軒寄德臣兩先生所合建也。兩先生同治陶朱之業，起其家。凡躬創造，思財之來也艱，鈔不惜。而兩先生好善，不肯後人，地方公益事，多與力焉，卽斯堂之輪奐，歡庇多士，爲可紀已。

業漢堂

鄧業漢先生，字倬雲，珂里縉紳，義聲著于時。民念五秋，巡遭杭隕，邑事無主，先生慨然拜命，宏濟艱虞，邑人德之。本校遷址三海巖，先生首建斯堂爲之倡，嘉惠儒林，彌足多已。

立本堂

按：人事更動，本堂未建。

本校創立於民國三年，在極度艱窘狀況下，荏苒以泊今茲，三十週年矣。而舊制，而初中，以成爲完全中學，中復附設

鄉村師範班，簡易師範班，前後卒業出校者，千餘人，而局處城廂之西隅，而播遷窮僻之鄉落，而至啓宇於三海，近兩來年，差告得所，而新事經營，重以戰時物力財力荷負之匪易，未能責備於旦暮間也。夫作始恒簡，踵事宜張，需迫燃眉，則制制劍履以相及，急饑者，不待珍饈，黎瘼而已甘也，露處者，不期華廈，茅茨而足歟也。此際此情，將復何以濟之？乃乘三十週年校慶之辰，舉行獻金建校運動，以欲重喚羣力，赴厥全功，賴邑父老之贊助，振臂高呼，有鑒斯應，獻金台上，湧匯熱情。先是給公假學生以分道勸募，效績已自不弱，及期，臺所獻金額，乃足成斯構，而名之曰立本堂，取古人三十而立，又本立而道生之意，庶以彰茲度校慶於弗諼也，百爾君子，其踴躍以從是次運動者，亦足與斯堂同垂不朽矣。


傳仁堂

傳道樂英才，三海殷前宏鹿洞。
仁風揚善化，六峯山下拱龍門。

靈中高中第二班畢業同學錄序

余忝本校之職且三載，應畢業同學錄之序之請者，逮今凡四度矣。錄必有序，以弁其端，例也，而其每臨畢業而必有是錄，亦豈例也耶？若以爲此屬一向之定式，徒襲故事，既亦何所貴乎而有是錄耶？或適以增累其舊棄書堆之與束之也，毒於塵積而蠹蝕，不之顧，其與覆轡之還不幸，復幾何耶？而吾固知其必不爾爾也。高中第二班諸生之屆畢業之獲畢業者，殆不過始入學時名額三分之一，念茲同學三年間，半途棄伍或別向而不能相與終始者如許人，將不益實是編，以披

對其此段之共晨夕者，又如許人，而無油然而歷歷憶於方初，勉勉珍重於眼前耶？抑諸生所以識鴻雪於母校者，亦既有紀念林之經營矣，其又將推樹木之理，以爲同心眼勉者，久要不忘平生之言，聲之所應，氣之所求，初無間乎一室之與千里，清風明月，宛然相抱，則是錄也，卽其符契也耶。余雖例以爲序，不能等例以視是錄矣。



469244

中華民國三十六年五月初版

明善堂初集

版權所有

著者：楊志英

發行者：蕭祖震

印刷者：新夏出版社

廣州太平南路一六〇號
電話一五四九六

△各大書局均有代售△

